

بازار ایرتسی

فی ۲۳ شعبان سنه ۱۳۲۸

وفی ۱۶ اغستوس سنه ۱۳۲۶

جمعیت علمیہ اسلامیہ نك ناشر افکاریدر

صاحب امتیاز :

فاتح مجیز درسعاملرندن

استانبول مبعوثی

مصطفی عاصم

سر محرر :

فاتح مجیز درسعاملرندن

توقاد مبعوثی

مصطفی صبری

مدیر مسئول :

مکتب قضاة معلملرندن

کلیملی منیر

مندرجات

بر قطعه طاهرالمولوی	وعظلمیزدن مأورینک اوصافنه دائر
تحمیس غزل میرسعود طاهرالمولوی	نه فکریده بولنه لم ع . خیری
عشقنامه مسعودالمولوی	تحصیل نسوان فاطمه نزیبه
تضمین مسعودالمولوی	اسلامده علوم و فنون ع . عاکف
رباعی مسعودالمولوی	اسای وسطی ده انکلیز - روس رقابتی نظام الدین
ترکیا اتفاق ایتلی می عبدالاحد داود	ادبیات
	شکوفه بهارستان طاهرالمولوی



نسخه سی ۱ غروشدرد

آبونه اجرتی (پوسته اجرتیله برابر در)

ممالک اجنبیه ایچون :

۶۰ ، ۲۰ فرانق

» ۱۰ ، ۳۰

استانبول وولایات ایچون :

بر سنه لکی ۶۰ غروش

القی آیلانی ۳۰ »

درج اولنمیان اوراق اعاده ایدلمز

قارئلرمنزه

اکثر مقالاته آیات کریمه واحادیث نبویه درج ایدلمش بولندی نظراعتبارده آلنه رق رعایتسزلکده بولنداماسی رجا اولنور .

درسعادت

محمود بك مطبعه سنده طبع اولنمشدر



پازار ایرتسی کونلری نشر اولنور دینی ، ادبی ، سیاسی وفنی هفته لقی غزته در .

حالبوکه اوکرنسی لازمکلان بر چوق مسائل واردرکه
آنی علم حال کتابندن استباطه هر آدم قادر اوله ماز .
علم اخلاقه عائد بر چوق مسائل واردرکه آنک تطبیق آتنده
خطا اولنور . ظاهرده نواب حقیقته کنه بعض شیلر
واردرکه آنی تفریق قولای اوله ماز .

متلا بر مأمور ، زمان اشتغالی آمری طرفندن تعیین
ایدلش بر مأمور بر طاقم اعذار واهیه ایله مأموریتی
باشندن آبریه ماز . مصالح عبادی تأخیر ایده ماز . بشقه
شیله مشغول اوله ماز . وقتی شونکله بونکله قولنشمقله
کچیره ماز . حتی اوراد ایله اذکار ایله عبادتله نوافل ایله ده
اشتغال ایده ماز اکر بشقه شیله اشتغال ایدرسه اوزرینه
درحال رؤیتی شرعا واجب اولان مصالح عبادی تأخیر
ایتدیکسندن طولای شرعا مسئول اولور . چونکه مأمورلر
حکومتک ملتک اجیر خاصیدر . تعیین اولنان ساعات
وزمانده بر معذرت شرعیه بولنمده بجه نفسی اول ایشه
حصر ایتسی لازمدر .

وعظلمر مردن مأمورینک اوصافنه دأر
کچنکی درس مزده هر صنف اهلینک متقیلر زمه سینه
داخل اولمسی چون نه کی صفات ایله متصف اولمسی
لازمکله کچنی بیان ایده حکمزی وعد ایش ایدک . ایشه
بوکونکی درس مزده عمال حکومت یعنی مأمورین حکومتک
اهل تقوی اولنلرینی و شرعا مطلوب اولان اوصافلرینی
بیان ایده کچکز .

معلومدرکه متقی دیمک نفسی صرف عبادته حصر
ایتمک ایله اولماز متقی دیمک بالجمله افعال واقوالنی واعمال
واخلاقی شرعشریفه تطبیق ایلدسان کسه دیمکدر .
آنکچون انسان احکام شرعشریفدن نفسنه متعلق اولان
قسملرینی بیلمش و اوکرنش اولمیدر . یعنی بر انسان
کندیسنه لازم اولان علم حافی بیلمیدر .

علم حال دینجه خاطره مزراقلی علم حال کلور . آنک
محتوی اولدینی مسائلی انسان چوجقکن اوکرندیکی ایچون
برکسه یه علم حالکی بیلمیورسک دینلرسه کوجه نیر .

قضا و امارتی تقلد ایدنلرک یوم قیامتده مسئول اوله -
 جقلرینه دائر بعض احادیث شریفه وارد اولمشدر .
 بوراده بونلری ذکره لزوم کورمیز . آنجق شوراسنی
 سویله مہدن کچمیزکه قضا و امارتدن وسائر بیوک مأمو -
 ریتلردن توقی ایدلک ایچون وارد اولان آثار هر کسی
 بومأموریتلردن نفرت ایتدیرمک مقصدیله وارد اولیوب
 بلکہ بومأموریتلرک حد ذاتنده اهمیت فوق العاده سنی
 تقدیر ایتدیرمک وبو مثلاً مأموریتده بولنانلر عدالت
 و مساراته و حقوق عبادک محافظه سنے و حسن تمشیتنه کمال
 اعتنا ایله دقت و اہتمام ایلک ایچوندر .

فقہاء کرام آنفا ذکر اولسان حدیث شریف ایله
 آنک امثالی اخبار و آناردن (طلب الولاية لا یولی)
 قاعده سنی اجتہاداً استنباط ایلمشلا راسہ (الاذاتعین علیہ)
 ایله استئنا ایتمشلردر اہل و اربابنک بولنه مامسنہ مبنی
 حقوق عبادی صیانت و ظلملرک ظامنی دفع ایچون
 مأموریت ایستہ یئلر استئنا ایدلمش و نفسندن ظلمہ تمایل
 و عجز حس ایدنلرہ مأموریت قبول ایلک حرام و مأموریت
 ایچون تعین ایدنلر ایله اجرای عدالت ایدہ جکسنہ امین
 اولانلرہ مأموریت ایستہ مک جائز واکر بر مأموریتی
 اجرا و ایفاء کندیسنندن بشقہ بر کسہ بولنمازسہ اول
 مأموریتی قبول ایتک کندیسہ ایچون فرض عین واکر
 کندیسنندن بشقہ سیدہ بولنورسہ فرض کفایہ اولدینی
 کتب فقہیہ ده مسطوردر .

ایشتہ بومسئلہ شرعیہ مبنی هر صنف مأموریتلر
 ایچون تعین ایتمش یعنی یامکتبدن نشئت ایتش و یاخود
 اہلیت و اقتداری درجہ کفایہ ده بولنش اولان ذواتک
 مأموریت طلب ایتشی شرعاً جائز و بلکہ فرض کفایہ در .

حتی بر کسہ بر مأموریتی ایفاء و عبادالہ حقندہ
 اجرا ایدیلان مظالمی دفعہ اقتداری اولور و عدالت
 و مساواتہ رعایت ایدہ جکسنہ امین بولنورده اول مأموریتی
 بر مقدار مال بذل ایتہدن استحصال ایلک ممکن اولمازسہ

بر مأمور جناب حقک متقیارہ وعد ایلدیکی اجر
 و ثوابہ نائل وجتہ و متقین زمرہ سنے داخل اولق ایچون
 شخصنہ عائد فرائضی ادا و محرماندن اجتناب ایله برابر
 شرع شریفک مأمورلر حقندہ بیان ایلدیکی اوصاف ایله
 متصف اولسیده لازمدر . ایشتہ بودر سمزده بو اوصافی
 بیان ایدہ جکیز .

اولا شوراسنی سویله لم کہ اسلامیتک ایلک دورہ لرندہ کی
 مأمورلر لہ صکرہ کی مأمورلری مقایسہ ایدہ جک اولورسہ ق
 تقوی و اخلاق جہتدن چوق فرقی بولورز . چونکہ
 اخلاق بوزوقلغی اہالیدن مأمورلرہ سرایت ایدر .
 اولوقک انسانلری بزه نسبتلہ نصلکہ اورع و اتقی ایسہ لر
 مأمورلریده اولیادر .

اسلامیتک ایلک دورہ لرندہ حکومت مأمورلرینک
 الک مهمتی قاضیلک ، امیرلک تشکیل ایدیور ایدی .
 بولنورده طلب اوزرینہ تعین ایدلمزدی . بلکہ علمنہ ،
 اقتدارینہ ، صداقتنہ ، استقامتنہ ، عدالتنہ ، وجداننہ
 امنیت ایدیلہ جک ذوات آرائیر ، بولنور ، مأموریت
 کندیسنہ تکلیف ایدیلیر اکثریمی قبولدن امتناع ایدر
 قبولیچون اجبار ایدیلردی . ابو موسی رضی اللہ عنہ
 ایله برابر حضور پیغمبریہ داخل اولان ایکی کسہ
 پیغمبر مژدن مأموریت طلب ایتدکار ندہ پیغمبر مژبن مأموریتہ
 حریص اولسانلری و مأموریتی ایستہ یئلری تعین ایتام
 بیورمق جواب و یردیلر .

امام اعظم حضرتلرینک قضایی قبولدن امتناع ایتشی
 سببیلہ حبس ایلدیکی مشهوردر کذلک ابی قلابہ
 و سفیان ثوری حضرتلرینہ ده امر قضا تکلیف اولنہ رق
 قبول ایتماملری اوزرینہ حبس ایدیلہ جکلرینی آکلادقلرندن
 فرار ایتمشلر و اولجہیہ قدر قائب اولمشلردر .

بوکی اہلیت و اقتدارلری درجہ کفایہ ده بولسان
 ذواتک قضایی قبول ایتدکارینک سببی درکار اولان
 اهمیت فوق العاده سنے مبنی کماھی حقہا عہدہ سنندن کلکہ
 امین اولہ مدقلرندن نشئت ایتشدر .

تکرار قضای قبول ایتمش و سابقی مثللو جناب پیغمبری رؤیت ایتدیکنده یار رسول الله بن ذات پاک احمدیکزه قرب و مناسبتی تزید ایتک ایچون قضای ترک ایتدم . بالعکس مناسبت بتون منقطع اولدی دینجه رسول الله صلی الله علیه وسلم افندمن (ان المناسبه بیني وبينك عند القضا تشتغل باصلاح نفسك واصلاح امتي وعند الترك لا تشتغل الا باصلاح نفسك ومتي زدت في الاصلاح زدت قربا مني) بیورمشلردر یعنی بنم ایله سنک بئشده اولان مناسبت سنک اصلاح خصوصتدکی اهتمامکه متناسبدر . سن قاضیلک ایله مشغول ایکن هم نفسکی وهم امتعی اصلاح ایدیور ایدک قاضیاکی ترک ایتدکن صکره بالککر نفسکی اصلاح ایله مشغولسک سن اصلاحی نه قدر تزید و تعمیم ایدرسه ک بنده سکا اونستده یقین اولورم دیمکدر . (خیر الناس من یستغفر الناس)

یوق اکر برکمه مأموریتی سببیه نامه حاکم و آمر اولمق ، ناس نظرند بئوک کورنمک ، مال جمع ایلک ، اجرای سطوت ایتک ، احبا و اوداسنک و قبیله و عشیرتنک حقسنر ایشلرینی ترویج و نفوذلرینی تزید ایتک نیتیه مأموریت طلب ایدرسه آنره مأموریت طلب ایتک حرامدر . بو صورتله اجرای مأموریت ایدنلر جهنم عذابنه مستحق اولورلر .

مأمورلرک شرعا متصف اولمسی لازمکلان خصصالی علماء کرام بر وجه آتی بیان ایدیورلر (فمن الواجب ان يكون في القاضي والامير خصصان ان يكون صحيح العزم محكم الرأي قليل الغيرة) قاضی و امیر و بونلره مماثل مأمورلرده بولمسی واجب اولان خصال شونلردر . حسن نیت صاحبی و رأینده مصیب و قلیل الغفله اولمیدر . (شديدا في غير عنف ، لينا في غير ضعف ، جوادا من غير سرف ، بخيلا من غير وكف) شدید اولملی که حیثیت و وقار حکومتی محافظله ایدم بیلسون فقط عنف ایله معصامله ایتاملیدر . لین اولملی فقط ضعیف و عاجز

عبداللهی ظالمدن قور تارمق ایچون بر مال بذل ایدوب اول مأموریتی استحصال ایتسنی بعض علما تجویز ایتمش ایسهده اکثر فقها بوقولی رد ایتمشلر و لسانیه طلب ایتسی فرضی اسقاطه کافی اولوب شاید ایش باشنده بولنان ذات کندینسی تعیین ایتمش اوله جنی جهته جناب حق یرینه نااهلی تعیین ایتمش اوله جنی جهته جناب حق و رسولنه و جماعت مسامینه خیانت ایتمش اوله جفندن آتم اولور دیمشلردر .

فقط مأموریت طلب ایتسنک جوازی حسن نیته اقتران ایله مشروطدر . یعنی حقوق عبادی و قایه و مظلوملری ظالملرک نیجه ظالمندن تخایص و باب حکومنه مراجعت ایدن مسلم و غیر مسلم ، ضعیف ، قوی ، بای و کدا ، شریف ، غیر شریف ، رتبه لی ، رتبه سز هرکیم اولورسه اولسون بئیلرنده مساوات تامه کوزده درک برینی آخره ترجیح ایتماکه و الحاصل ملتک احوالی اصلاحه نیت و منویسنی مأموریتی باشنده بالفعل اجرا ایتلیدر .

ایشته بوکبی مأمورلر اثنای مأموریتنده خطا ایتسهلر عبدالله مسئول اولمازلر .

شیخ عبدالغنی النابلسی شقایق نعمانیه صاحبندن نقل ایدیورلر که شقایق صاحبی امام محی الدین ابن مصاح الدینک ترجمه حافی ذکر ایلدیکی صروده بنم شیخ محی الدینک بئوک بر محبت وارددر . و بنم مدار افتخارمدر . حتی منصب قضای آنک توصیه سی اوزرینه اختیار ایتمش ایدم و بکا برشی حکایه ایلدیکه اصدقا سندن بریسی قاضی ایکن بر مدت کندی اختیاریه قضای ترک ایتمش اخیرا تکرار سلاک قضایه داخل اولمش بونک سببی ایسه قاضی ایکن حضرت پیغمبری عالم معناده هفتهده بر دفعه کورینکی جهتهله منصب قضای ترک ایدرسه بلکه ده ازیاده مناسبتده بونلور زعمیه ترک ایتمش ایسهده مناسبت سابقه بالکلیه منقطع اولدیغنی کورنجه ایکنجی دفعه اوله رق

فطرتدن اولان ایکی قوتک مالکیدر که بری عامله
دیگری ده عالمه عنوانیه معنوند.

عامله اخلاق، عالمه معارفدر فلاسفه اسلام علمی
مبدأ، اخلاق ده غایه فرض ایله بونلر بررینک متممیدر
دیورلر. غایه سز مبدأده ذره قدر فائده یوقدر. انسان
انفع ناس اولمق، وطننه .. ملتته .. دینه خدمت ایتک
ایسترسه علمی لذائذ بهیمیه سیله انتذاذ؛ غرور نفسی
اوقشامق، فخر نمای تکبر اولمق ایچون دکل، تهذیب
اخلاق .. تطهیر اعراق ایچون اوکرنملی در.

برقاج کونلک عمرینی خوش کچیرمک ایچون تحصیل
علم ایدن انسان، انسان دکل، برکلب عقور فلاکتردر.
بویله بر انسانک جهلی علمندن انفعدر. سلامت عمومی؛
آنک جهلنده در. عرب شاعر حکیمی «ابوالفتح البستی» نک:

یا خادم الجسم کم تهی خدمته

اتطلب الريح فيأفیه خمران

اقبل على النفس واستكمل فضائلها

فانت بالنفس لا بالجسم انسان

خطاب ندائی وامریسنه مخاطبته بویله بر شریر،
بویله بر پرستشکار نفس وهوالایق دکلدر.

دینک که اخلاقسز معارف مضر در. وقایع ماضیه
آغوش احتواسنه آلوب سیهای تجسیمنده کوستره رک
ارباب تفکره صحائف عبرت آجان لدنیات تاریخیه شو
فکرک برهان فعلیسیدر.

رومالیلرک مبادیسنده کی ترقیسنی نظر تدقیق وتفحصه
آله جق اولورسوق شو ترقینک بادی مطلق اخلاق
اولدینی کسوه محققته بورونور. انقراضنک ده مؤثر
مستقلی اخلاقسزاق اولدینی آکلارز. برکره دوشونه لم
بونلر زمان ترقیسنده معارفی آز .. اخلاقی متین،
آن ندنی وانقراضنده معارفی جوق .. اخلاقی یوق
بر قوم ایدیلر.

عجبا رومالیلر صفوت اخلاقیه لرینی محافظه ایله،

اولساملی که بر طساقم جاهل و ادب سزلر فرصت بولوبده
زمام اداره بی اللربنه الماسون. وظیفه سنه صاحب اوله
بیلسون جو مرد اولمی فقط مسرف اولساملی. بخیل
اولمی فقط شرعا ممنوع وعاده معاییدن عدایدیه جک
درجه ده خسیس اولماملیدر. دقت ایدیورمیسکمز شو
بر قاج سوز نه قدر بیوکدر نه قدر معیندار در وتطبیقی
نه قدر مشکلدرد.

مابعدی وار

نه فکرده بولنه لم؟

۴

مادیات ویا معنویات آراسنده کی تعادل نسبی حفظ
ایدن ملت بوائق انقراضدن آزاده در. شو نسبته
محافظه سی ده اخلاق ومعارفک امتزاج یکوجودیسیله
اوله بیلیر. انسانلر ملک دکلدر که بیرامن لاهوتیسنه
شهوات نظر؛ تعالیسنی عطف ایده ماسون. حیوان
دکلدر که باصره افتراسیله بصیرت خیریسنه برده بهیمیت
چکسون.

سماعت بشریه کریسمان موجودیتینی پنجه تنابیه
یاقه لایوب حفره اضمحلاله طوغری سوروکلین افراط
وتقریطدن اوزاقاشمقابه قابلدر. بو اوزاقلاشمق اوقدر
کوجدر که بونک کوزلکینه هر فرد ادراک طبیعی ایله
مطمئناً ایمان ایتدیکی حالد بیکده بر کشی دینه جک
اقلیت منزله عقائی احتراصات نفسانیسنه غالب قیامشدر.
شو غالبیت اعتدالیه هانکی بر ملنک دماغ موجودیسنه
مستولی ایسه او ملنک افرادی آراسنده مسعودیتک
تظاهری منکر بر کیمسه بولنه ماز. انسانلر محاسن
ومقابحه صورت متساویه ده تعاقه صالح بر قدرت کلیه
فائلیله مخلوقدر. افعال ارادیه نک کوزانی، چیرکینی
قارق معارف، کوزله میل ایتدیرن .. چیرکیندن
ایکرنیدیرن ده اخلاقدر. دینک که انسانلر مواهب